

**“МОН-НАБ” ХК-ИЙН ХУВЬЦАА ЭЗЭМШИГЧДИЙН
ЭЭЛЖИТ ХУРЛЫН ТЭМДЭГЛЭЛ**

“МОН-НАБ” ХК-ийн Хувьцаа эзэмшигчдийн ээлжит хурал 2020 оны 04 дүгээр сарын 09 -ны өдөр Улаанбаатар хот Чингэлтэй дүүрэг 4- р хороо ЗГ-н 11-р байр 118 тоотод болов. Хурал 14.00 цагаас эхлэж ТУЗ –н дарга Р.Зоригт даргалан явуулав.

Хуралд тус компанийн хувьцаа эзэмшигч:

- Т. Бадамжунай / 62400 ширхэг хувьцаа эзэмшигч/
- Р.Зоригт / 37497 ширхэг хувьцаа эзэмшигч/
- З.Бүдсүрэн / 137 ширхэг хувьцаа эзэмшигч/

нар тус тус хүрэлцэн ирж, ирц 81.0 хувьтай байв.

Компанийн хувьцаа эзэмшигчдийн ээлжит хурлаар дараах асуудлуудыг хэлэлцсэн болно. Үүнд:

- Компанийн 2019 оны үйл ажиллагааны , санхүүгийн байдалд ТУЗ-н өгсөн дүгнэлт ;
- ТУЗ-н ажлын тайланг хэлэлцэж батлах;
- Компанийн үйл ажиллагааны цаашдын зорилтыг хэлэлцэж батлах;

Хувьцаа эзэмшигчдийн хуралд “Компанийн 2019 оны үйл ажиллагаа, санхүүгийн байдалд ТУЗ-ийн хийсэн дүгнэлт” - ийг ТУЗ-ийн дарга Р.Зоригт танилцуулж, дараах нэмэлт тайлбарыг хийв.

Хувьцаа эзэмшигчид 2019 онд 2 удаа ээлжит болон ээлжит бус хурлаа хийсэн. Ээлжит бус хурлаар ТУЗ –н гишүүдийг сонгон баталсан.Бид энэ байгууллагын өдөр тутмын үйл ажиллагааг бүрэн дүүрэн явуулах талаар санаачлага ажиллах хэрэгтэй байна.

Компанийн засаглалын талаар сургалтанд ТУЗ н гишүүд хамрагдмаар байна. Өр барагдуулах талаар олон шатны шүүхээр дамжуулан даваж заалдан бүтэн 2 жилийг өнгөрч шийдэгдээгүй байна. СЗХороо, Хөрөнгийн Биржээс ирүүлсэн албан тоот, даалгаваруудад хариу өгөх талаар их анхаарч ажилласан. Контор ,граж , дулааны үзелийн барилга, гадна болон дотор дулааны шугамын засварын ажил хийх шаардлагатай байгаа. Манай ойр хавийн байгууллагуудын дулаан авдаг төв шугам хагарч бүгд нийлж хагарсан шугамыг солисон боловч хуучирч муудсан шугам доголдож усны даралтаа даахгүйд хүрч байна . Компанийн өдөр тутмын асуудлыг шийдвэрлэж бүх л ажлыг Оюун-Эрдэнэд хийж байна. Жил бүр төлдөг урсгал зардлуудыг эзний өөрийн хөрөнгөөр төлж барагдуулж байгаа.

Хэлэлцсэн асуудалтай холбогдуулан санал шүүмжлэл дараах байдлаар өрнөв. Үүнд:

Ш.Оюун-Эрдэнэ: Надад та бүхэнд хэлэх хэдэн зүйл байна.1.Ээлжит бус хурлаар ТУЗ-н гишүүдийг Компанийн тухай хуулийн 77р зүйлийн 77.2 ,Компанийн дүрмийн 10.6 -д заасны дагуу хувьцаа эзэмшигчдийн ээлжит хурлаар ТУЗ-н гишүүдийн бүрэн эрхийн хугацааг сунгаж байхыг анхааруулсан байгаа тиймээс та бүхэн энэ талаар саналаа

хамт хэлээрэй. 2.СЗХорооноос жил бүр даалгавар өгдөг энэ даалгаварт компанийн хөрөнгөд дахин үнэлгээ хийлгэж ирүүлэхийг даалгасан энэ талаар санал өгөөрэй.

3.Энэ жил санхүүгийн тайлан балансаа “ЭНИЧ АУДИТ”ХХК –аар аудитын гэрээ хийж дүгнэлт гаргуулсан хойшид хамтран ажиллах болно.Энэ байгууллагын ажил төрөл ямар байдлаар яаж ашигтай ажиллуулбал зүгээр талаар оновчтой санал хэлэх хүн байна уу.

Хувьцаа эзэмшигч 3.Бүдсүрэн ирж уулзан бүх бичиг баримт хуралд хэлэлцэх асуудал,байгууллагын өнөөгийн байдлын талаар мэдээлэл авсан. Хурал болох үед ирж чадахгүй гэж хэлээд саналаа урьдчилж өгсөн.

Р.Зоригт: Компанийн хөрөнгийг үнэлгээ хийх талаар анхааралдаа авлаа энэ талаар хөрөнгийн үнэлгээ хийх тусгай зөвшөөрөлтэй байгууллага судлахыг Р.Алтанцэцэгт даалгая.

Ш.Оюун-Эрдэнэ: ТУЗ-н хувьд гишүүдээ ажлуулмаар санал бодлыг сонсож тусламж дэмжлэг авмаар байна . Р.Зоригт ТУЗ-н даргын хувьд ч хувьцаа эзэмшигчийн хувьд ч идэвхи гарган янз бүрийн юмны өмнө л байх юм .Компанийн засаглалын сургалтанд сууж гэрчилгээ авах шаардлагатай байна шүү. Намайг энэ ажлаас чөлөөлөх талаар шийдэж өгнө үү.

Р.Зоригт: Ш.Оюун-Эрдэнийг одоогоор ажиллуулж байхгүй бол өөр хүн алга.Харин цалин шийдэж өгөх гэхээр санхүүгийн хувьд боломжгүй байна. Энэ жил ч энэ байдал хэвээр байх бололтой тиймээс тэсэж байхыг хүсье. Тусгай зөвшөөрөл өгөхгүй байна.Татварын өрийн асуудал олон шатны шүүхээр яваад байна.

Ш.Оюун-Эрдэнэ Хувьцаа эзэмшигчид хурлын зар, бичиг баримт хуралд хэлэлцэх асуудал,байгууллагын өнөөгийн байдлын талаар мэдээллийг олон сувгаар авах боломжтой. Манай байгууллагын вэб хуудас байгаа .

Р.Алтанцэцэг: Бид энэ компанийн ажлыг өөднө татаж цаашид юу хийж яаж ажиллах талаар сайн ярилцмаар байна. ТУЗ-н хурал хийхээр ирчээл бусад үед оролцоо муу байна.Хөрөнгийн үнэлгээ хийлгэх асуудлыг би хариуцан хагас жилийн тайлан балансаас өмнө шийднээ.

Р.Зоригт: Ер нь бол компанийг зориулалтын нь дагуу ажиллуулна. Энэ бол миний, та нарын хөрөнгө. Компанийн үйл ажиллагааг бол барилгын чиглэлийг нь хадгалаад явна гэсэн бодолтой байгаа. Хувьцаат компанийн хувьд өөр чиглэлийн ажил хийнэ гэдэг хэцүү. Хөрөнгө оруулалтын ажлаа ийшээ чиглүүлнэ гэсэн бодолтой. Энэ жил харин энэ аюултай өвчнөөс болоод бүх салбарт ажил муу л байх төлөвтэй байна.

Р.Зоригт: Төслийн ажил хөцөлдөөд гадагшаа явсан хүн маань тэндээ хорионд орсон байна.Хэрэв тэр бүтвэл бидэнд их боломж гарна.

Ш.Оюун-Эрдэнэ: Энэ хуралд хараат бус гишүүд оролцож байгаа санал хүсэлт хэлэх байхаа.

Г.Төгөлдөр : Би хүүхдээ хараад гэртээ байна.Хүүхдийн сургууль цэцэрлэг хаасантай холбоотой ийм байдалтай. ТУЗ-н гишүүд идэвхи санаачлага муутай байна.

Миний хувьд жил бүр хуралд ирдэг. Хувьцаа эзэмшигчид шүүмжлээд байхаас биш бид ямар үүрэгтэй байх вэ яавал энэ байгууллагыг сайн болгох тухай олигтой санал хэлдэггүй.

Д.Болорцэцэг: Бид энэ компанийн өдөр тутмын үйл ажиллагаанд оролцох боломж байдаггүй өөр өөрийн ажлаа хийгээл явж байдаг.Энэ байгууллагын хувьцаа эзэмшигчид ноогдол ашиг тараах уу гэж их асуудаг. Байгууллагаа яаж ажилтай байлгах уу гэж боддоггүй. Туслаад дэмжээд ажиллах хүн алга.Зарим хувьцаа эзэмшигчид боломжтой хамтраад ажил хийвэл болох юм шиг санагддаг.

Хувьцаа эзэмшигчдийн хурлаар Компанийн цаашдын зорилтыг хэлэлцэв. Компанийн цаашдын зорилтыг хэлэлцэн батлахтай холбогдуулан Р.Зоригт өөрийн саналаа хэлэв:

- Компанийн хөрөнгийн дахин үнэлгээг хийлгэх.
- Татварын шалгалтаар тавигдсан өрийг шүүхээр шийдүүлэх.
- Конторын барилгын засвар, гадна болон дотор дулааны шугамын засварын ажил, дулааны үзельдээ засвар хийх.

Компанийн тухай хуулийн 77р зүйлийн 77.2, Компанийн дүрмийн 10.6 -д заасны дагуу хувьцаа эзэмшигчдийн ээлжит хурлаар ТУЗ-н гишүүдийн бүрэн эрхийн хугацааг дараагийн ээлжит хурал хүртэл сунгав.

Хувьцаа эзэмшигчдийн хурлаар дээр саналыг санал нэгтэй батлав.

Компанийн хувьцаа эзэмшигчдийн ээлжит хурлаар хэлэлцсэн асуудлуудын талаар тогтоол гаргахаар тогтож, тогтоолын төсөл бүрийг хэлэлцэж, тэдгээрийг санал нэгтэйгээр батлав.

Компанийн хувьцаа эзэмшигчдийн ээлжит хурал 16.00 цагт дуусав.

ХУРЛЫН ДАРГА



Р.Зоригт

ХУРЛЫН ТЭМДЭГЛЭЛ ХӨТӨЛСӨН

Д.Болорцэцэг

